



準輝煌演出準到爆 喜蓮勇感唔怕重磅

今期三T冇多寶，注碼就要慳住使，頭關第四場四班1600米，「準輝煌」呢隻三歲澳洲PPG，今季跑8場擲到3亞2季1第五同1第六，馬主場場收獎金，可以話準到爆，唯一唔好就係未贏到囉，今次巴度親自操，雖然抽13檔都幾難擇位，不過求一席三甲唔難，一於搵佢做膽。呢場有兩隻冷腳要特別留意，「光明傳承」上季60分初降四班贏馬，今季跑九場輸晒，減到51分超級着數，排2檔直路搵到位，隨時贏得，另一隻係「龍又生」，上場跑到鬼咁論盡都追到第六，今場初次跳上1600米係考驗，不過賠率夠冷，趁未走光唔可以放過！

次關第五場四班1650米，「超加加」季初跑泥地短途上名，上場初上1650米，可以彈甩對手差唔多四個馬位，肯定唔係四班留得住，「天時明駒」近七場跑泥地1650米同1800米擲到3冠2亞1季，最差都跑第五，呢兩隻馬一追一放，可以做雙膽。冷腳一定留意「歡喜福星」，夠快搶到欄有唔同睇法。

三T提供(160注)		
第四場	第五場	第六場
1 準輝煌	1 超加加	2 喜蓮勇感
2 美麗在線	2 天時明駒	5 又龍串鳳
6 光明傳承	4 年年友福	6 常拼常勇
9 精算激流	8 時間寶	8 遙遙領先
12 雙贏	10 歡喜福星	9 愛心神駒
13 龍又生	14 競駿天下	11 和平波
(10注)	(4注)	(4注)

紅字為馬膽

尾關第六場二班1800米，「喜蓮勇感」絕對唔怕重磅，而且近五場唔贏有位置，「又龍串鳳」今季艾道拿跑三次，擲到1冠1亞1季，呢關玩雙膽。「遙遙領先」失落打吡，但本身演出準，希威森放手應該有計。

競駿先鋒生成冷門命

「競駿會」依家有唔少現役馬，暫時最好成就係「競駿輝煌」、「競駿天下」同「競駿光輝」各贏三場，而「競駿先鋒」揸住2W都唔差，呢匹馬最特別地方係生成冷門命，兩次贏馬係11同17倍，兩次上名係11同21倍，至於三次6倍以下全部唔入三甲。

「競駿先鋒」上次田草1200米，早段捉住唔放，跑地下飛出外欄蝕晒位，呢場包尾唔代表隻馬有問題，仲可以換到賠率添！「競駿先鋒」跑完之後上從化吸仙氣兼試兩課草甸，睇嚟告東尼等隻馬Fresh再出招。



●「競駿先鋒」上次跑包尾，今次有力施回馬槍。

冷門WP

第九場 1 競駿先鋒

去年今日方仔3W

每逢冠軍賽馬日前一次沙田日賽，均安排泥草混合賽，然後在重頭戲當日於外賓面前展示最靚草地跑道。去年今日同樣是4月20日，方嘉柏第一場「飛騰騾」即響頭炮，隨後再贏「加非凡」及「仁心星」，全日派七駒出戰取三冠一亞大豐收。周日行兵制只出六駒，包括「喜」系一對實力馬「喜至寶」及「喜旺駒」，尤其「喜至寶」新勝泥地1200米，有望為方嘉柏延續優良成績。



●方嘉柏上年今日連中三元。

晨操系列：試閘陷阱II

上回提及了第一個不少朋友在試閘時誤墮的陷阱，今次想談談另一個會影響馬匹表現和名次的因素，這就是牠們試閘所戴的配備了。有些練馬師會刻意安排馬匹試閘戴與出賽不同的配備。例如蔡約翰有時會幫旗下馬匹戴防沙眼罩才試泥閘，以免馬匹被前方踢起的泥頭打中而受傷；又例如希斯部分馬匹如「武林至尊」和「錢多多」出賽會有眼罩，但是在試閘就不會出現這個配備，畢竟後者只屬輕舒步頭性質。而不論是戴防沙眼罩好，不戴眼罩也好，馬匹的走勢通常沒有那麼起勁，名次會較後也是不足為奇，卻不能真實反映馬匹狀態低落。



●希斯旗下的「錢多多」試閘鮮有戴贏馬配備出試。

黃金靚檔撐得起 潘頓加持有日共賞



周日沙田泥草混合賽，其中田草採用C+3欄作戰，此欄的1800米賽事今季合共作賽21場，以3檔勝率最高，達到24%即每4匹便有一匹勝出，上名率亦高達38%；明日第六場草地1800米獅子會盃，3檔的「有目共賞」確實值得留意。

根據統計，C+3欄的1800米賽事，3檔合共出賽21場，拿下了5冠2亞1季成績，勝率與入Q率分別為24%及33%，均為同場最高，上名率38%則是第二高，僅次1檔的48%。第六場的3檔馬「有目共賞」，去年夏天到港的自購馬，至今出賽6場錄得2冠1季，由首勝三班贏1400米，到前戰二班贏1800米，然後上場出戰打吡亦跑得第七，絕不失禮。大戰之後，今場回到二班出賽，以目前86分計肯定着數，更要由之前湯普新換上潘頓執轡，可謂志在必得。

同場尚有值得留意，自然是上名率近五成，入Q率都有29%的1檔，今場此檔位為「又龍串鳳」，季初贏完2000米，加分後依然頻頻上名，七歲馬寶刀未老，仍具上佳戰力，艾道拿與此馬一向合拍，今場又排好位，值得捧場。另外要提提，今場的2、5檔兩個盲門，今季跑此程都未贏過，今場2檔「當年情」與5檔「加州動員」都要避避。

時間寶抽好位可爭氣

同日尚有的好檔位，是1650米泥地，1檔的勝出率與上名率分別高達17%與40%，都是同程最高。明日頭場與第五場都是1650米泥地，其中以第五場的1檔馬「時間寶」最要關注。此駒去年一月贏完，之後連戰十多場都未有突破，葉楚航上場突然安排此駒轉戰泥地，即能跑入亞席，今場趁勇再搏多鋪，得好位支持，或可重響勝鼓。

晶晶日上換人起飛



今期六寶獎有多寶，所以注數唔可以太多，第五場「超加加」同「天時明駒」今季泥地有唔根據，頭關呢兩隻應該穩陣過鐵塔。第八場「晶晶日上」呢隻泥地專家，上季到今季搏嚟搏去都贏唔到，近兩仗泥地1200米布文施盡渾身解數又係第二同第三，今次容天鵬出動潘頓，睇番呢對人馬贏過兩次，呢個部署擺明車馬。

假面騎士肯放就掂

同場「假面騎士」初出贏完未放過，今次用黃寶妮肯放就掂。「皇龍飛將」轉跑泥地之後升晒呢，前仗取消資格，今場應該會更加好鬥志。

美麗第一泥閘靚爆鏡



今期混合過關，頭關揀第二場四班1400米，熱門一對「威武年代」同「喜尊龍」各有優點，「威武年代」二、三月喺田草1400米擲到一冠一亞，上場轉去谷草1650米畀同場對手燒乾咗，今次唔敢托大，即刻跑番1400米，放出嚟跑對手唔易過到佢。「喜尊龍」田草1200米跑兩場第二輪些少，上場跳上1400米，班德禮跑錯晒，所以名次後唔使怕，今次蘇偉賢出到潘頓，梗係想贏馬坐正。「康昌之星」上場賠率冷到震，霍宏聲好輕鬆跑個第五，今次趁未走光上1400米，絕對唔可以走寶。

實力哥又足電搏殺

次關第三場「實力哥」上季贏泥地1200米開閘，今季因為腳傷抖到三月復出，用黃智弘入Q，今次又上從化叉電，有機會執番場。尾關第七場「美麗第一」跑17場4W8P準到爆，今次轉跑泥地唔好睇小，因為佢今季泥閘未甩過前兩名，伍鵬志睇準轉場搵食，信得過。



●「美麗第一」血統顯示合跑泥地。

混合過關3×4 (20注)

第二場Q OP	第三場W	第七場W
2 威武年代	1 實力哥	2 美麗第一
3 喜尊龍		
7 康昌之星		

田草1800米C+3賽道檔位統計

檔位	出賽	冠	亞	季	殿	勝出率	入Q率	上名率
1	21	2	4	4	0	10%	29%	48%
2	21	0	1	5	1	0%	5%	29%
3	21	5	2	1	0	24%	33%	38%
4	21	1	3	0	2	5%	19%	19%
5	21	0	2	1	1	0%	10%	14%
6	21	3	1	0	3	14%	19%	19%
7	20	3	1	2	2	15%	20%	30%
8	21	1	3	1	1	5%	19%	24%
9	21	1	2	1	1	5%	14%	19%
10	20	2	0	2	2	10%	10%	20%
11	18	1	2	1	2	6%	17%	22%
12	15	0	0	2	2	0%	0%	13%
13	13	2	0	0	1	15%	15%	15%
14	12	0	0	1	3	0%	0%	8%

下周冠軍賽馬日 場畔活動等緊你



●當日入場的馬迷，將可獲得紀念品鎖匙扣一個。



●入場的馬迷數得出現場巨型裝置內的冠軍馬匹毛公仔數量，有機會獲獎。



「富衛保險冠軍賽馬日」將在本月27日舉行，雖然距離如今尚有一個多星期，但原來除了各匹參賽戰駒要提早做準備，馬迷都一樣要及早安排；尤其對於一眾訪港旅客而言，香港賽馬會更特設了「海外遊客專屬套餐」，想玩得開心，兼體驗真正賽馬文化，以至得到限量版禮品，真是萬勿錯過！

一場一級賽包括主席短途獎、冠軍一哩賽及女皇盃將在冠軍賽馬日上演，為隆重其事，馬會在場畔更安排了大量精彩活動給予入場馬迷。當中例如當日在下午3時30分或之前進入沙田或跑馬地馬場的馬迷，將可獲得紀念品鎖匙扣一個(派完即止)，同時現場亦會有大抽獎，大獎是指定日本東京競馬場體驗旅程，連兩位成人來回機票及4日3夜酒店住宿。

此外，韓國人氣女團(G)I-DLE之成員MINNIE，更會連同本地樂壇天后容祖兒在上午11時15分到沙田馬場作表演嘉賓，再加上樂隊Pandora亦會於賽事期間在好食賞樓下舞台作現場表演。另外，當日在賽馬活動專區樓下，會設有遊戲「冠軍馬王逐一數」來考考馬迷，數得出現場巨型裝置內的冠軍馬匹毛公仔數量，便有機會獲得MINNIE及祖兒的親筆簽名指定「富衛保險冠軍賽馬日」主題紀念套

裝；而入場人士在該裝置前拍照，然後加上指定標籤 #FWDChampionsDay，再分享到社交平台，便有機會得到指定主題索繩袋一個(額滿即止)。

至於有關訪港遊客，除了於公眾席入口出示有效旅遊證件或護照，即可免費進入沙田馬場或跑馬地馬場公眾席外，遊客只要到訪「遊客專區」並開設投注戶口，便可免費參加指定馬場導賞。

海外遊客專屬套餐現可預訂

而最值得留意，是馬會今次推出的「海外遊客專屬套餐」，現以200港元優惠價，便可得到兩張港幣50元的餐券，亦可參與由旅遊大使帶領的馬場導覽，有專人「講馬之王」現場講解，並有85折購物禮券、限量版馬仔鎖匙扣等，現時已可在馬會官網預訂，有買趁早呀！